

Alphonsus IV, Petrus, Ferdinandus, Joannes, Eduardus, Alphonsus V Africanus cognomine, Joannes II, Emanuel, Joannes III, Sebastianus in Africa interfectus, Henricus primo Cardinalis, & Antonius: quo, quod Nothus dicitur, pulso, ut proximus hæres Regnum occupavit Philippus II Hispaniarum Rex, Emanuelis per Isabellam primogenitam Nepos: cujus hodie Filius Philippus III feliciter Hispania quanta quanta est, imperat. Portugallia Metropolis est *Olyssippo*, ut ea dicitur in antiquis & probatæ fidei M. Varronis, Plinii, Antonini, Melæ exemplaribus. In vulgatis enim nunc *Olyssippo*, nunc *Olissippo*, item *Ulyssippo*, aliisque modis scribitur: hodie *Lisbona*, vel incolæ proferunt, *Lisboa*. Emporium est reliquis Orbis terrarum nobilissimis concensendum: Divitiis supermodum adfluens: Mercium peregrinarum, quæ ex Asia, Africa, America adferuntur, Promptuarium celebrissimum. Situs ad Tagi fere Ostium amœnissimum commodissimique: amplum, quodque sua magnitudine Montes quingentorum rotidemque Valles (nam olim multo erat minus, unumque tantum, ut quidam tradunt, Collem occupabat) complectitur. Ex parte, qua mari alluitur, Portis distinguitur xxxi, qua Continentem respicit xv: Turribus per Murorum gyrum lxxvi munitur. Tempia, quæ Græcis Parochiæ xxv, numerantur: præter hæc plurima sunt quæ Monachis, Anachoretis Vestalibusque sunt attributa. *Olyssipponem*, ut Matrem agnoscamus Trans-Taganæ: *Ebora* Plin. & aliis, *Ebura* Ptol. quæ vulgo hodie *Evora*. *Begia* vulgo *Beia*, vel *Bexa*: olim *Pax Julia*, Antonino & Ptol. *Setubal*, olim, ut opinatur Clusius, *Salacia*: quæ tamen Varrerio Moralliquæ putatur *Alcasar de salin* Algarbiæ regione. *Almada*, Ptol. *Catobrix*: Antonino *Carobriga*. Cis Tagum haud procul Olissippone Aquilonem versus *Casca* Opidum est situm. Propius ad urbem accedenti *Bethleem* occurrit, opidulum. Sunt ibidem *Leiria*, *Tomar*, *Guarda*, non ignobilia, neque obscuri nominis Opida. Haud procul Tomare visitur *Ceice*, *Celium* Antonini eidem. *Alinqueram* ad flu. Tagum, patriam suam Damianus Goësius, sic dictam putat tanquam *Alankercke*, *Alanorum Fanum*: ingeniose, & vere. Hæc olim *Icrabrica* Antonino. Inter Mondam & Durium *Conimbrica* hodie *Coimbra*, olim caput Regni Portugallia. *Viseum* vulgo *Viseo*, *Visensis* civitas in Conciliorum opere; quod opidum hodie *Ponte Vouga*, Plin. putatur *Vacca*. *Lameca* vulgo *Lamego* meminit Concilium Toletanum III. Inter Durium denique & Minium *Braga* superbit: sic hodie dicitur, quæ *Bracar Augusta* Ptol. *Braccara Augusta* Anton. *Augusta Bracarum* Plin. Ab Gallis *Braccaris* conditam fama refert, anno ante Christum natum ccxc. Augustæ cognomen addiderunt Romani Victores. Tam olim celebris, ut conventus hic fuerit ex septem Citerioris Hispaniæ unus, unde urbes xxxv, auctore Plinio, jus petere consueverant. Fluvii sunt *Anas* sive *Guadiana*, *Tagus*, *Mondegus*, *Durius* & *Minius*: horum duo celeberrimi, *Tagus* & *Durius*. Portugallia ab Occasu & Meridie Atlanticum respicit Oceanum, qui præter Pisces quos abunde suppeditat, plurimas easque maximas commoditates præbet. Huic copias suas omnes, ut debet, ita & acceptas fert, ac grata memorque beneficia immortalia agnoscit, illum meliore ratione aurifluum, quam Nilum suū Vetustas, dignatur, quod hujus ope & merito merces undecunq; terrarū importatas accipiat, eo præsertim nullius indiga, rursumque quibus ipsa copius abundat, per navigia exportet, lucri causa terras nō accessas petens.

Flumina.
Maris commo-
ditates.

Præter